



Ўзбекистонда
1 майдан нималар
ўзгаради?

Аҳоли учун электр энергияси ва табиий газ бир ойлик истеъмолининг базавий меъёрлари тасдиқланди. 1 майдан бошлаб маиший истеъмолчилар (аҳоли хонадонлари) учун ижтимоий (базавий) меъёрлар киритилади.

6 та дарё (Чирчик, Сангзор, Зарафшон, Норин, Қашқадарё ва Сурхондарё) ўзанида шағал қазиш таққиланади.

Тадбиркорлик субъектларига жамоат жойлари, ижтимоий объектлар ва аҳоли пунктларининг белгиланган жойларида санитария-гигиена шохобчалари ташкил этиш ҳуқуқи берилади.

Ўзгалар парваришига муҳтож бўлган ёлғиз яшовчи ҳамда ёлғиз кексалар ва ногиронлиги бўлган шахслар учун спорт, мусиқа, ҳунармандчилик йўналишида тўғарақлар йўлга қўйилади.

«Ijro.gov.uz» ижро интизоми идоралараро ягона электрон тизими негизда ишлаб чиқилган «edo.ijro.uz» модули орқали электрон ҳужжат айланиш тизимига ўтказилади.

17 та турдаги хулосалар Давлат хизматлари маркази ва Ягона интерактив давлат хизматлари портали орқали берилади.

Ҳар бир ҳудудда кучли зилзилада аҳолини қутқариш ишларига жалб этиш учун волонтерлик гуруҳларини шакллантириш амалиёти йўлга қўйилади.

Yurt taraqqiyoti yoʻlida birlashaylik!

Ishonch

• Oʻzbekiston kasaba uyushmalari Federatsiyasi nashri
• Gazeta 1991-yil 21-martdan chiqa boshlagan

Абдусайд Кўчимов

АСРА

Қатра симобдай титраб, қалқиб турибди дунё,
Мезон сингари идраб, салқиб турибди дунё,
Қуйган қуёшдек хира балқиб турибди дунё...
Чанг-тўзонли замонда, нону тузингни асра,
Ўғил-қизингни асра, асра, ўзингни асра.

Асрий сахро, чўлларда қутурмоқда тошқинлар,
Қариндошдан қондошга қирғинлару босқинлар,
Имога шай турмишлар Ялавочлар – сотқинлар...
Фосик дастурхонидан нону тузингни асра,
Ўғил-қизингни асра, асра, ўзингни асра.

Мустақиллик, озодлик қорбоддан совғамас,
Не-не жасур алпларга ғанимлар қилмади қасд,
Эҳ! Бугун ҳам оз эмас тулки мижоз айёр кас...
Нафси олчок, қаллобдан нону тузингни асра,
Ўғил-қизингни асра, асра, ўзингни асра.

Буюк аждодларингдан мерос эрур бу замин,
Емоғинг шартдир бугун шу юртнинг ташвиш-ғамин,
Қолсин десанг то абад ЎЗБЕК деган хур номинг...
Шону шаънингни асра, қайноқ нонингни асра,
Ўғил-қизингни асра, асра, ўзингни асра.

Асрамасанг ўзингни, тузлиғингни – тузингни,
Қашқирлар илҳақ – зордир ўймоқ учун кўзингни.
Жаҳон эшитсин десанг, ҳайқиринг, сўзингни,
Ризку рўзингни асра, чакмоқ сўзингни асра,
Ўғил-қизингни асра, асра, ўзингни асра.

Ҳар дамингда аждодлар армони бор, аҳди бор,
Мангуберди, Темурбек, Сарбадорлар жаҳди бор,
Ҳар икки Ўғғонишнинг жаҳонда ўз тахти бор...
Учинчи Ренессанс деб босган изингни асра,
Ўғил-қизингни асра, асра, ўзингни асра.

Туққан ерда туғинг тик, туққан жойинг чамандир,
Қуш бутага сиғингай, саждагоҳинг Ватандир,
Ватандан айрилганга ҳар қадами кафандир...
Кафангадо каслардан элу юртингни асра,
Ўғил-қизингни асра, асра, ўзингни асра.

Денгизга ҳам осонмас, бардош бермоқ тўфонга,
Хатто, қуёш ҳам гоҳо йўл бергайдир тўзонга,
Бугун енгил эмасдир Янги Ўзбекистонга...
Янги Ўзбекистонда дашту бўзингни асра,
Ўғил-қизингни асра, асра, ўзингни асра.

Дарё эмас бир ирмоқ, бир дарахт ўрмон эмас,
Қўклам эмас бир гиёҳ, битта дон хирмон эмас,
Бирлиги йўқ улуснинг қўкраги осмон эмас...
Дайди тўда-уордан жанда бўзингни асра,
Ўғил-қизингни асра, асра, ўзингни асра.

Боғ жамоли – боғбондан. Боғбонинг бор дарёдил,
Дарёдилли боғбонга дарё бўлиб қўшилгил,
Дарёларга айланиб, уммон каби жўшсин эл...
Боғли диёринг учун қору музингни асра,
Ўғил-қизингни асра, асра, ўзингни асра.

Фурсат пойлаб турибди, қароқчи кишандорлар,
Ўз қавмини кишанлаб, тўн кийган нишондорлар,
Қўм-қўқ далангни бевақт босмасин десанг қорлар...
Бемаҳал ёққан дўлу қишдан қизингни асра,
Ўғил-қизингни асра, асра, ўзингни асра.

Бир вужудга айлансин минг-миллиён жону тан,
Минг-миллиён вужудлар бир жонга бўлсин пайванд,
Қуёш битта, Ой битта, Ойу Қуёшдир ВАТАН...
Қуёшингни, Ойингни қошу кўзингдек асра,
Ўғил-қизингдек асра, асра, ўзингдек асра!

ОСМОНСОЙ КЕНИДАГИ ҚИММАТЛИ ТОПИЛМА

«Basalt
Uzbekistan»
кластери
мамлакатимиз
саноатида
ўзига хос
воқелик
яратмоқда

ЛАНГАР – ТОҒЛАР ОРАСИДАГИ УНУТИЛГАН ҚЎРҒОН

